

陸川縣志卷之十六

人物類六

名宦 勳德

鄉賢 義行

忠烈 孝子 學行

名宦

明

楊榮關廂堡低街人宣德丙午科舉人補廣東瓊州府同知累官參議道復按瓊州仁惠廉明所至有賢能聲祀瓊州名宦縣

鄉賢

據石志參廣西通志修

龐經號星亭泗里堡泗里村人成化庚子科舉人授福建邵武府通判才優政事署府篆建書院檄選所屬士子培植先後成進士者十人愛民如子邵人德之致仕歸不矜才不挾勢恂恂

陸川縣志

卷之十六

人物類六名宦

一

如寒儒然卒於家祀邵武名宦縣鄉賢城內街西隙地乃其故園其後嗣撥建戎署及試院償值不受咸謂不愧名宦鄉賢之後

據石志參廣西通志及訪冊修

陳敏嘉靖時由監生授廣東韶州府推官擢知儋州有德教儋人懷之以憂去官民乞留復還原任九年改知應天泗州祀儋

州名宦縣鄉賢世居關廂堡塘埔村後遷南中堡橋林村

據石志參

廣西通志及訪冊修

黎聰號兩峯關廂堡縣城內人後遷泗里堡五柳村諸生相之子孝子伯寬之父充嘉靖癸巳歲貢任江西武甯縣主簿寬愛得衆催科不擾值旱荒捐俸作糜粥以賑民多存活跣足祈禱

雨亦隨至二十四年兌運期迫民窮無措乃爲貸於宗室得銀千兩完兌閱九年遷崇仁縣縣丞武甯民遮道留之祀武甯名宦縣鄉賢

據石志勲德類參廣西通志及訪冊修並改列

清

龐穎號景軒泗里堡泗里村人順治庚子科舉人少卓犖不羣奮志讀書康熙甲寅吳三桂叛奉父母逃遁撫蠻大將軍傅宏烈聞其賢聘襄軍務後回軍東征強之偕行力以親老辭爲逆將姚馬所執幾死者數乘間脫逃居博白窮谷中計前後六年亂定始復業壬戌撫軍郝浴徵修省志丁卯知湖北嘉魚縣廉明有惠聲戊辰夏包子變武漢黃德相繼淪陷穎設伏用間得

陸川縣志

卷之十六

人物類六名宦

二

保孤城請提督徐治都誅賊辦軍需預機密夏包子遂滅上其事於朝方議擢用穎孺慕念切力請終養遭父母喪哀毀骨立服闋後建凌雲閣讀書所著有燕邸集沙陽治蹟平寇方略行世縣北新濟利涉兩橋皆其創建並撥大橋墟地建三恩廟撥平樂墟地建三聖廟及戲臺楚粵兩祀名宦鄉賢

據石志參訪冊修

呂颺美號異溪順安西堡洞心村人祖純如明諸生官內閣中書陞主事樂善好施父若高即里中稱爲二赦者也颺美幼失怙事母先意承志務得歡心乾隆十年奉旨爲其母李氏建坊旌表節孝功竣日戚友集慶颺美乃追痛父喪而哀母節之苦不食者三日以孝友聞於時採錄省志充乾隆丙辰恩貢任柳

城縣教諭署河池州學正深得士心卒於官祀柳城名宦據石志鄉

評類參訪冊
修並改列

鄉賢

明

油鳳號儀廷洞心堡油村洞人洪武丁卯科舉人授廣東肇慶府同知有德政永樂間陞交趾諒江府知府政多惠愛卒於官士民思慕不忘祀縣鄉賢墓在油村洞大園山坐北向南其後裔移居榕江堡潭灞口村據石志參訪冊修
案廣西通志選舉表載任諒江知縣誤

楊榮

陸川縣志

卷之十六

人物類六名宦鄉賢忠烈 三

龐經

陳敏

黎聰

以上四名
均見名宦

吳貢珍萬歷時恩貢任廣東雷州府通判禮士類恤耆老盜賊屏跡時與當路忤被論而歸行李蕭然居中塘堡大井頭村祀

鬱林鄉賢

據石志參廣西通志及訪冊修

清

龐穎

見名宦

忠烈

明

黃曉縣狼目父子與賊戰俱歿於陣邑人共義之建祠以祀石志

黃昇縣狼目祀縣義勇據忠義祠神主補

案石志不載今攷祠內神主尚標有明狼目三字不審是否黃曉之子姑闕疑焉

郭志本邑人陸川城守把總流寇劉鐵棍肆掠鄉閭志領兵要之遇於泗里堡陸邦徑口身先士卒殺首賊一人餘賊二人衆擁至力莫能支大呼曰我偶失機汝曹奮力歿於陣邑人共悼之祀縣義勇據石志修

周南附生有文名成化間與邑人何清隨湖廣布政使鬱林陶魯計滅草寇斬其巨魁以獻地方甯靜後被害祀縣義勇子世

陸川縣志

卷之十六

人物類六忠烈

四

祥廣東瓊山縣主簿據石志勲德類修並改列

謝邦任新村堡蓮塘村人廣西衛戍營遊擊明末隨巡撫瞿式耜留守桂林城陷殉難據訪冊補

清以下據訪冊及忠義祠神主增

龐崇第泗里堡芝塘村人咸豐二年興業曾土四匪幫踞馬坡墟崇第以團總率練丁往勦戰於新蛇坡力竭陣亡祀縣義勇李朝康洞心堡依古村人咸豐三年五月博白朱亞科匪幫入踞烏石墟朝康率練丁抵禦在金雞地方衝鋒陣亡祀縣義勇黃殿湘號君山由順安東堡遷居北流候選府經歷咸豐四年以團長率練丁勦東華匪巢身先士卒亡於陣學使孫欽昂給

精忠純孝四字額以彰其美祀縣義勇

鍾興瑞有龍堡木格塘村人充練長咸豐五年二月二十二日
匪田長山口寨興瑞隨官軍進剿匪退窮追與同村練丁鍾興
剛同日陣亡

鍾興剛

見上

林朝樑號雲亭有龍堡馬鞍山村人充練長咸豐七年匪擾白
毛塘村躬率練丁赴援奮戰陣亡祀縣義勇

黃武宏由陸良堡移居北流咸豐七年匪陷北流縣城武宏召
募練丁進剿亡於陣祀北流兩波忠義

劉達祥號明圃邑廩生由順安東堡移居北流咸豐八年督六

陸川縣志

卷之十六

人物類六忠烈

五

里練丁勦信宜匪積勞病卒於扶來行營祀北流兩卞忠義後
經巡撫李秉衡奏准照馬兵例恩卹葬費銀八十兩

陳鏊有龍堡長埔尾村人以武舉任陸川汛把總咸豐時倡建
桃子塘黃皮兩寨以保族鄰及平樂墟東西客商率團練助官
軍剿平塘岸石山一帶般匪以致積勞病故士商憫之

李福華有龍堡硃砂塘村人咸豐九年以練長隨官軍進剿容
縣匪在草鞋坡奮戰陣亡

黃思信有龍堡莘山村人咸豐時充練丁隨官軍進剿容匪奮
戰陣亡

莫容化榕江堡大墟人咸豐十年以練長助官軍拒匪在北屬

旺芝塘陣亡祀北流新豐義勇

林樹高由洞心堡移居北流咸豐十一年二月十九日率練丁在扶來禦信宜匪奮戰陣亡北流知縣黎源嘉其忠義准祀平政義勇

李友松字秀峯大襖堡高龍洞村人咸豐十一年率練丁隨軍在北境一帶禦匪連戰皆捷逐匪至容縣回經西山遇匪奮戰陣亡贈六品頂戴

簡炳南號勲臣清湖上堡合水口村人咸豐時土匪蜂起炳南性勇敢赴縣稟辦團練知縣覃遠璫器之特加委任一鄉賴安獎九品頂戴後被土匪黃二大何十四等謀害祀縣義勇

陸川縣志

卷之十六

人物類六忠烈

六

呂振儒號雅士關廂堡竹圍村人監生光緒二十四年夏土匪蠢動振儒挈眷居城五月初十日夜二更北流謝華軒匪幫襲攻縣城振儒聞警率僕從入賓興館覓得舊存鎗藥親登北城包裹燃放匪退後陽山忽內應四起知城不保急託親友將眷屬縋城逃出己在北門內巷戰霎時城陷遂被戕害知縣彭言孝到任旌其家曰忠義門飭將義勇祠改稱忠義祠入主祀之並詳奉奏准加贈縣丞銜遺子一名學

王錫章湖南郴州人陸川縣典史光緒二十四年五月初十日匪陷縣城巷戰殉難同時遇害者 沈蔭棠廣東南海縣人方家縉江西萍鄉縣人均縣署幕友 史從修貴州貴筑縣人

陸川縣知縣史從煥從兄候選府經歷 王永容錫章子文童
王蘭林永容子尚幼 丁福臨桂縣人 秦升靈川縣人 唐
貴臨桂縣人 方貴永福縣人 陶貴貴縣人 王貴思恩府
人 周升湖南祁陽縣人 嚴福湖南安化縣人 潘順湖南
祁陽縣人 蔣鋈湖南永州府人 汪升湖南郴州人均縣捕
兩署家丁 覃晚本縣人狼目 陳亞壽 陳生心 沈大升
陳德彰均湖南人縣署親兵 鍾安本縣人縣署差役 李
三本縣人捕署差役合二十四名同祀縣忠義
戴統材號子茂大襖堡新洲塘村人附生光緒二十四年五月
初十日土匪陷城統材知堡內匪目王絲蟻恨其稟揭募集丁
陸川縣志

卷之十六

人物類六忠烈

七

壯自守王絲蟻竟糾梁育之匪幫圍攻其家統材料不能守潛
挈幼子文炳逃出匪徒偵知要殺於路父子同時遇害時十三
日也後稟奉巡撫核准並祀縣忠義

戴文炳統材子

見上

劉能信號布林達祥子前北流域守千總光緒二十四年督練
丁進勦北屬硃砂地李兆卿匪巢偕同里練丁劉錫璋奮戰陣
亡祀本縣及北流兩卞忠義

劉錫璋由順安東堡移居北流

事見上

祀縣忠義

吳廷楷泗里堡倉亭村人從九職銜光緒二十四年官軍收復
縣城廷楷率練丁拏匪卒爲所害祀縣忠義

戴統榮 謝有芳 陳昭芳 周開祥 周廷璋 梁亞保
潘勝芳 鍾惠庭 黃華生 蔣亞長均本縣練丁光緒二十
四年勦匪被難同祀縣忠義
陳啟進 陳良材 陳義昌 陳德秀 陳大年 馮亞四
戴道良 馮亞福 呂亞其均本縣鄉民光緒二十四年拒匪
被難同祀縣忠義

陳大本洞心堡來旺坡村人光緒二十四年匪掠堡內村莊大
本荷戈捍禦在先鋒嶺腳被害祀縣忠義

呂廣安大洞堡羊公嶺村人光緒二十四年五月十五日鄉團
收復大橋墟時本村族人格殺敗匪陳亞庚等三名一面派廣

陸川縣志

卷之十六

人物類六忠烈

八

安前往烏石墟偵探匪情卒遇害祀縣忠義

滕桂芳有龍堡水落村人光緒二十七年奉諭帶練丁捕匪被
匪目藍八等截殺藏尸穿隴嶺閱月方發覺

楊應春號受天大襖堡山村人光緒三十年冬偵知匪目蘇六
等潛匿荔支山乘夜親率練丁往擒纔到村邊即遇匪接戰力
竭陣亡知縣倪光熊給卹並准祀縣忠義

劉紹康沙湖堡鴉髻嶺村人充三甲地保素能拏匪光緒三十
年十月十五日被匪誘殺

吳科恆號海洲中塘堡山口村人充縣署親兵光緒三十一年
十月初八日隨知縣陳仲賓圍攻月洞山寨被劉十八大匪幫

抗拒奮戰陣亡贈五品頂戴祀縣忠義

陳玉銘有龍堡洞尾村人光緒三十一年奉諭緝拏匪目呂玉山被匪刺傷殞命知縣陳仲賓卹銀百圓請贈六品頂戴
韋秀芳南中堡六雙村人光緒三十一年土匪夜劫北屬波二里鋪地鍾宅秀芳聞警隻身赴援卒及於難

何王壽洞心堡冠英塘村人充縣圍哨勇光緒三十二年冬護送邑舉人呂炳晟赴應舉貢甄別試到容縣覃邊地方遇匪與同行呂三龍八等竭力抵敵均中彈殞命炳晟義之各給費祭葬同祀縣忠義

呂三順安西堡秀蘭洞村人

事見上

陸川縣志

卷之十六

人物類六忠烈

九

龍八朗洞堡石灣角村人

事見上

陳世高六品頂戴 張茂河 藍志顯 劉益揚 黎明瑞
何鼎寶 羅亞九 譚世瓚 李亞七 陳相成 江八 廖廣麟 鍾廷隆 賴朝勳 龐二 賴德標 陳武生 賴成

鄒文鳳 梅英 王仁華 林芳餘 陳志剛 周明信
甯安貴什長五品頂戴 蘇鳳文 陳壬 盧宗綱 區世

能 廖朝綱 陳飛岳 陳旭曾 譚國富 謝運剛 謝蘭
中 黃國官 謝蘭夷 李世彰 劉復通 李佩道 陳國

秀 周有朝 吳暢慶 賴朝和 李道青 黃亞三 何亞

大 陳元喜 鍾顯坤 張茂豪 林江漢 盧宗立 尤十

二 陳成武 藍得勝 賴亞大 譚宗喜 李兆成 呂金

標 吳暢文 區耀潤 吳亞五 潘樹才 陳德培 吳永

旺 陳敬修 李現綱 譚福齡 鍾德俊 李顯清 楊瑞

茂 羅秀揚 龐三 陳成配 林亞七 林惠源 林源新

阮廣元 韋煥宗 謝憲高 陳之茂 楊十七 呂姜訓

龐進 龐國瑰 陳成志 楊順智 黃剛芳 林廣生

陳以信 賴開國 陳九 區亞三 林顯梁號明軒 張超

福 楊水茂號榮祥 徐日勝 羅顯貴 李亞三 潘德瑞

黎居安 曾上寬 顏亞四 林源彰 林秀榮 黃天壽

鄉賓 梁兆昆 曾亞二 林宗梁 覃沛恩 詹□□闕名龐

陸川縣志

卷之十六

人物類六忠烈

十

桂 謝英烈 林大連 陳成豐 梁剛 孟傳文 黎志坤

譚禎基 覃漢恩 陳英烈 陳成志 羅觀乾 藍世隆

謝亞十 鍾兆清 李昌 區世楷 林德蘭 陳運啟

李有方 李樹高 楊義勝 楊奕茂 黃順昌 林振剛

林有富 張福俊 周亞四 黃永海 邱樹桂 宋十三

伍桂文 李水祿 陳安亮 李亞八 陳志鳳 林作樑

劉際元 李敬清 楊日有 謝亞二 黃德相 陳其盛

林源久 李亞吉 梁亞六 沈元仁 譚亞李 郭詔箕

李開信 葉應達 黃居和 賴朝頌 陳亞才 蘇燕昌

周盛德 藍亞孫 楊朝明 梁遠亮 邱芝敏 陳亞三

呂十三 呂興明 劉亞壽 吳廷才 陳式芳 □□□
闕名

李亞十 區世榮 林定鉅 李建超 劉亞常 黃安德

賴亞六 龐祖禮 賴朝勇 賴定全 賴洪恩 楊元珍

鍾開鳴 陳亞八 黎亞七 林亞廣 曾十三 藍顯玲

陳永保 李亞廣 黃中喜 藍李元 陳元達 梁永成

龐敏聚 鍾毓雲 陳廣金 陳有方 姜德臻 藍世松

藍秀生 邱亞大 彭貴文 覃毓相 藍樹玲 藍季生

李毓林 宋其春 周成森 林日木 藍廣生 賴廷照

賴廷全 楊亞四 章浦恩 朱亞大 梁成富合二百二十

五名均清代人祀縣忠義雖事無可攷要皆舍生而取義者也

陸川縣志

卷之十六

人物類六忠烈

十一

民國

譚大大洞堡高坡洞村人元年匪劫近鄰旱塘村譚和卿家聞警赴援中途遇匪被害

葉和澤號德卿清湖下堡人監生清末充縣團哨長後充清湖堡團總四年八月二十六日親率練丁圍捕堡內白石均村匪幫中彈陣亡保衛團公所設主追悼祀縣忠義

鍾志清湖上堡打雞山村人五年賴亞蛇六匪幫潛窩人頭塘村志充練丁赴勦奮勇衝鋒中彈陣亡

呂步青大洞堡牛蘭塘村人充縣團隊勇六年二月隨陶隊長良綱駐紮清湖下堡卡守坑圳地方適因夜寒風大被匪暗擊

與隊勇劉金成戴鴻恩甯得勝等中彈殞命同祀縣忠義

劉金成有龍堡打鐵塘村人上見

戴鴻恩大襖堡山村人上見

甯得勝南中堡人上見

羅祖文中塘堡六寒村人充保衛團公所護勇六年赴六良堡涼水井村圍捕匪幫中彈身亡祀縣忠義

徐慶榮

陳建績有龍堡下馬窩村人七年縣知事古濟勲圍攻分水均匪巢建績以練丁卡守匪徒潰圍中彈殞命

龔義蹠由有龍堡移居鬱屬山腳村充練丁分水均之役與陳

陸川縣志

卷之十六

人物類六

十二

建績同時被難

劉志才號玉南廣東清遠縣人原中區第一正司令所部副排長到縣迭拏要匪改充縣團游擊隊長八年三月十九日偵知羅獐古三匪幫潛窩沙湖堡松木洞鍾宅率隊圍捕身先士卒中彈陣亡隊勇吳瑞光陳桂燊亦同日戰亡同祀縣忠義正司令呂春瑄及保衛團公所暨有龍堡分所諸紳均厚卹其妻子

吳瑞光上見

陳桂燊上見

曾肇文有龍堡上洞村人充練丁八年四月十五日在本村助官軍勦匪殞命

羅朝興沙湖堡達轎塘村人光緒之季在金絲塘誘擒著匪嚴五立功知縣陳仲賓准予自新八年充縣團隊勇六月十四日回家行至獨墩地方被匪殺害

羅在陞沙湖堡長崗嶺村人高等小學畢業八年因探報官軍搜捕三甲匪徒於六月二十七日在本村窰草嶺被匪戕害黃武齡六良堡人八年九月匪宿堡內天柱嶺白晝在平山徑攔搶黃姓婦女武齡聞警持鎗追逐卒被害

孝子

明

黎伯寬號方塘泗里堡五柳村人萬曆間以歲貢任浙江西安

陸川縣志

卷之十六

人物類六忠烈孝子

十三

縣主簿陞應天吳江縣縣丞事親至孝能曲成親志及親歿廬墓三年每哀號攀樹淚點所漬樹爲之枯祀縣孝子據石志參訪册修有傳

龐希睿號月川泗里堡泗里村人解元鼎之子充天啟丙寅歲貢爲人恬靜寡欲拾遺金數十兩覓失主還之足不至公庭縣令聞其賢請見贈以牛判驗佐百張携歸焚焉遭親喪哀毀骨立寢苦枕塊不飲酒不茹葷不入內室者三年祀縣孝子據石志參

訪册修有傳

清以下未及請旨旌表

呂興璜字行可增生大洞堡長山村人拔貢就姬歲貢鎮履之

父早喪父事母孝嘗舌耕以奉甘旨恐疏定省百里之外雖厚聘不就兄貧恆剖產讓之排難解紛人多服焉

據石志鄉評類修並改列

龐驥號愚庵歲貢生嘉魚令穎季子性孝友生母李氏少寡驥

奮志讀書以悅之及卒盡哀盡禮後奉旨建坊旌表李氏驥構

室坊側朝夕對坊興感異母兄驥宰萬載縣逋負萬金與仲兄

驥三兄駿計議各變產以助兄獲免歸居恆兄弟相勵以善世

有四龍之目康熙五十六年與知縣顧鵬重建城西一里之來

清橋行者稱便仕廬州別駕有政績鄉里欽之

據石志鄉評類修並改列

呂正齊字方新順安西堡洞心村人祖繹如廩生早世父若契

附監生正齊未週歲而孤仗祖母陳母李孀守撫育比長勵志

陸川縣志

卷之十六

人物類六孝子

十四

讀書每言及其重幃苦節未嘗不飲泣也康熙庚寅入庠壬辰

食餼雍正乙巳奉旨旌表其祖母及母建雙節坊於縣城之南

當代名流題詠甚衆正齊以國典攸關復購地於城北文廟之

旁創建節烈祠以崇祀之胞伯若稷先年以舉人宰輝縣宦橐

無餘幾不能營其喪葬正齊乃典己業爲之摒擋且兩次割撥

田租數十石以爲祀產孝友之風令人敬重

以下均據訪冊增

李宏埴泗里堡人舉乾隆壬申恩科鄉試赴部掛籍截取知縣

旋因母老不忍離邊雖屢奉檄催卒不應及居母喪哀痛毀容

從此遂卧病不出

劉燭字龍光吹塘堡山背村人家貧溺苦於學舉乾隆庚辰科

鄉試教授生徒多知名士性至孝事繼母氏吳曲承其意無稍拂一日有不速客來爲時名賢爚議殺鷄款之吳弗許適吳豢豕於牢爚乃不顧污濁就跪膝下必允而後殺其終身孺慕多類是道光中葉學使池生春按鬱邑諸生呂崇本等慮年遠就湮訪實以聞奉給旌額曰古之純孝閭里榮之

呂爲光號恕庵順安西堡官田村人乾隆時武生父贊姬母氏阮生四子爲光性至孝父病七載不良於行爲光常侍湯藥背負出入雖有僕從無旁貸父母生事死葬均一身任之不與同懷計較道光中葉學使池生春按試鬱林邑人據實以聞奉獎庸行克敦四字額子相暉充乾隆辛丑歲貢

陸川縣志

卷之十六

人物類六孝子

十五

林薰榕江堡充美村人武舉恆春之祖兄弟六人嫡出者二庶出者四薰乃嫡出之長者也性孝友庶母忤薰父見逐薰跪道中挽留回家跪泣父前卒感父團聚如初迨析產父命嫡庶各分其半不留祀田冀杜爭端薰不然必求先除祀田而後析之爲六父不忍拂其意乃按六子平均不留祀田後薰勸諸弟各輸租合祭僅得三人故目之爲三合會云

吳成國泗里堡倉亭村人生甫一歲即失怙母氏黎孀守撫養成國雖幼奉母無忤後居母喪朝夕侍靈右不茹葷不入內寢者三年鄉族稱爲難得

陳輔智字水洲六良堡文地埔村人曾祖輝乾隆甲子歲貢父

際瑜痛兄際芳不祿寡嫂乏嗣乃以次子繼即輔智也甫數齡秉性仁孝長者賜必歸以遺其母日在疆場培植苦瓜人問故曰此吾母所嗜者其母偶見瓜虺摧折意稍拂跪泣曰此兒誤觸之過母顏亦爲之霽比長遭生父喪哭不成聲既殯設倚廬於靈左以居因同懷析箸乃商其母迎生母同膳宿温飽以時後兩母俱近百齡無疾而終盡禮盡哀與前喪同每因樵牧過墓必跪拜哀泣感動里閭光緒十年邑諸生陳開梅等聞之學使詹嗣賢奉給孝行可風四字額以褒揚焉

謝國純號穆堂洞心堡古旦村人母早世父春芳年老媳婦爲滌垢不潔國純見之自後澣濯衣服皆躬任其勞一飲一食亦

陸川縣志

卷之十六

人物類六孝子勳德

十六

親爲調味務適口體雖經商在外必迎養焉父壽至八十有二後國純五月卒

藍日隆新村堡仁義寨村人諸生日賢之兄自幼至長善體親心親疾侍湯藥髮雖長不痊不薙父得痿症延醫不惜重貲凡朝夕進膳扶持抑搔從不假手婢僕歷六年如一日焉

勳德

元

陳君瑞由鄉舉任南甯路司獄致仕歸因捕渠寇賈富用陳子英李涉等有功陞陸川縣縣尹

案舊志及陳氏家譜皆以君瑞爲明初舉人任南甯路司獄

考廣西通志實元鄉舉且南甯稱路而不稱府其爲元人無疑矣蓋元府皆稱路而明無是制

石志

明

何清清湖上堡橫山村人由吏員兩爲巡檢悉以能著成化間寇作時清省墓家居隨湖廣布政使鬱林陶魯以計滅賊遷學復獨任其勞

據石志修

龐杰由監生任廣東番禺縣主簿有智力勇略成化間寇作與邑人周南設計捍禦地方賴之

據石志修

孔時監生泗里堡山口村人判四川劍州年四十二休致家居性恬淡喜吟詩持身修潔居處謙和言動中矩鄉里重之

石志

陸川縣志

卷之十六

人物類六勳德

十七

清

李煥字汝郁歲貢生吹塘堡那業村人爲人端方厚重足不履公庭家故素封明末之亂捐金召募鄉兵保全族里吳三桂之變亦然遂致資產中落然清苦自守晏如也至今人猶稱之

據石

志鄉評類改列

江日富號義武清湖下堡人進士璣之祖秉性剛直力農自守當吳三桂據雲南時地方蹂躪所居學塘洞毗連博白化州石城土寇竊發日富設法防禦破賊巢穴並搜獲被擄子女遣還其家時田地荒蕪復奉縣委征收新村清湖等堡錢糧有貧乏無措願將田券按抵者乃以耗羨代完還其券鄉里德之

據石志鄉

評類參訪冊
修並改列

李炘字方中泗里堡上寨村人歲貢昌祚子舉人宏墉之父領
康熙辛卯鄉薦性孝友剛直恆面斥人非亦過而不留見人有
善輒豐豐稱道不置癸巳邑饑署令堅不發粟炘與弟炘星奔
梧郡懇憲飭發全活甚衆仕登封令政簡刑清適奉敕修少林
寺督理與闍黎乘勢滋擾炘惻然憫之多方調護不累民不誤
工尋以乞養歸倡修縣學暨建明倫堂及母喪哀毀骨立逾月

亦卒

據石志鄉
評類改列

李斌字敏中昌祚子舉人宏培之父與兄炘同榜鄉薦爲人倜
儻有大志與人處恂恂然若不能言遇事每發一言必中肯綮

陸川縣志

卷之十六

人物類六勳德

十八

人咸服其神識仕霍邱令鋤奸安良輿情大悅邑有水門最廣
物產滋息藉活者不下千餘戶向皆官權其利歲入千餘金斌
弛其禁民皆德之尋以命案掛吏議士民悼惜

據石志鄉
評類改列

陳大經泗里堡石牛塘村人舉康熙辛卯科鄉試宰繁昌縣致
仕歸以邑內向無書院乃與邑紳呂颺繡等謀諸邑令石崇先
就縣城南三里許鳩工創建於丙子年落成聞之學使許道基
命名三峯書院復籌措束修膏火等費俾遞年關聘山長招生
入院肄業邑人於此多其功焉

據訪
冊補

龐嶼字石洲舉雍正丙午科鄉試第二人仕廣東累官至兩廣
都轉鹽運使司鹽運使多政蹟士民思慕不忘官廣州府時以

鬱屬船舶來往南海屬佛山鎮多被船戶抵制乃捐俸購置鎮內新涌口一帶歸鬱船停泊卜地東皋山麓設爲義塚以葬流寓並於署側建義學同鄉賴之

據石志鄉評類參訪冊修並改列有傳

呂颺繡號英穆關廂堡低街人乾隆庚午科武舉祖純如明崇禎時官主事父若益康熙時歲貢均以義行聞於時颺繡克紹家風於地方公益靡不熱心興辦乾隆乙亥與邑紳陳大經等商承邑令石崇先創建三峯書院並籌東脩膏火等費士林賴

之

以下均據訪冊增

李宏培焄之子領乾隆癸酉科鄉薦當三峯書院新建時尚無膏火費宏培倡同學請邑令拆撥北帝廟蕭龍黃三姓會租及陸川縣志

卷之十六

人物類六勳德

十九

紫竹圓通等庵之租共百餘石歸書院積貯以爲遞年延師課士之費後學賴之

呂崇本號薌村順安西堡尚村人少孤露苦心力學克自樹立弱冠補博士弟子員旋食餼充道光庚戌歲貢以訓導歸部銓性沈毅諳練多才遇疑難事一言解決衆驚服倡捐設族中義塾培後進多成材道光壬寅襄卜邑侯撫辰修城工堅費省縣上其績奉議敘八品頂戴加一級後遭匪亂得無恙三峯書院膏火費絀並乏賓興一款久仗經理藉增田租迨戴維經兄弟購撥田租百餘石復與郭邑侯承休釐定章程析而爲三士各有資一邑稱便鼎新文廟及捕蝗辦團均著成效高祖三赦公

祀田因輪收欠糧被逮者衆乃別置田釐爲完糧租上裨國課
下省拖累爲曾祖母氏陳及邑中節婦請旌得旨給銀建坊復
親董其事勒各節婦由於石豎之坊側工竣存款僅十數千乃
爲權子母作崇祀香火費各節婦後裔漠不措意後閱五十餘
年其子錫旂竟成先志購置田租數十石名曰節坊費公私稱
慶劉孝廉燦事繼母有奇節慮年遠就湮訪實以聞奉學使旌
其門焉生平尊師信友匪特不念舊惡且以直報怨時論以爲
難卒年六十二

李廷樟號榕峯洞心堡橫山村人以道光戊戌進士補山東禹
城縣知縣歷官至湖南按察使加布政使銜潔己愛民催科平

陸川縣志

卷之十六

人物類六勳德

二十

獄所至有青天太爺之稱部民多建祠勒石以頌其德相國祁
嵩藻曾以治行第一薦後因年老自懇開缺當道光之季奉調
赴廣東羅定直隸州任中途奉諱回籍適遭匪亂奉檄總辦鬱
團兼籌餉事來往州縣調度屢殲巨寇復倡堅壁清野之議故
陸邑各鄉相率營寨得免寇警後督團獲高廉等處匪首並在
縣勸捐軍需四萬有奇先後奉獎知府銜及軍功隨帶加一級
其後陸川因捐餉加廣文武學額與有力焉母氏陳青年孀守
道光丙申奉詔旌表始建總坊於城南廷樟時爲諸生每入城
經坊地二里內必降輿步行律身以禮至老不衰卒年七十七
子孫多成名

龐倫號紀修泗里堡泗里村人附貢生性仁厚舌耕自給卒以勤儉起家道光壬寅襄卞邑侯撫辰修築縣城鄉試屢薦不售就職訓導司鐸貴縣解職回籍時適股匪充斥城廂遷徙一空倫因入住危城與知縣覃遠璫籌戰守先聯團築堡以固鄉里後議大舉北征軍需一項倡爲按租派捐入局經理由是義旗一舉所向有功於解圍北流案内奉獎以訓導儘先選用並賞戴藍翎隨授永甯州訓導當咸豐之季衆議創建賓興館爲作育人材計倫乃慨捐二百金以爲之倡繼復捐撥田租五十石不稍惜邑中貧乏不能婚娶及諸生無力應舉者多所攸助至於立鄉約辦義賑以及平道修橋無不傾囊相助至今人猶德陸川縣志

卷之十六

人物類六勳德

二十一

之
呂成文號曉峯順安西堡學子潭村人增生舉道光丁酉科本省鄉試第五名大挑一等改二厯授興安靈川平樂等縣訓導時洪楊變起廣西土匪亦乘機竊發成文關懷桑梓概不赴任先是道光末卞撫辰知陸川縣事奉上憲札飭增修城垣延成文等捐集鉅款慮事程工城增池浚人心恃以不恐迨咸豐中土匪延蔓鄰邑容縣北流相繼失陷成文籌款練團名曰崇正力遏兇鋒當是時縣之北中塘大襖有龍三堡備遭蹂躪賊氛且侵入南中沙湖一帶獨附郭各堡及縣南一方未被匪禍多仗其力年六十三卒於家

劉浚祥號文川順安東堡陸選村人領道光己酉鄉薦性剛直然胸無城府故面折人非人亦服之鄉族事恆藉排解免至公庭咸豐初劉八匪幫擾月洞率子弟兵卻之覃七匪幫踞沙坡墟復督鄉練勦逐之董理縣團佐知縣覃遠璉先後解鬱城圍復北流域助邑紳呂錫蕃籌捐濟餉援案增邑中文武學額慨借三百金倡建賓興館後學嘉賴之以軍功保舉知縣分廣東捐陞知州假旋寄情山水託跡堪輿卒於家

呂錫蕃號子薌崇本長子善讀父書以能文名年廿一入邑庠學使錢辰田刊其文入試牘廿五食餼選道光己酉拔貢廷試第二以七品小京官用分兵部陪祀慕陵歷充要差皆勝任尋

陸川縣志

卷之十六

人物類六勳德

二十二

陞主事本部以才具明敏辦事安詳考語奏留咸豐七年丁外艱回籍時容縣北流域陷鬱陸岌岌可危連年調壯勇堵勦經費不繼爲上請巡撫勞崇光給委勸捐因得勦平賊寨助復北流域鬱屬藉以肅清九年復奉巡撫札委集鬱博北陸壯勇進勦容匪躬親督戰迭次報捷指顧成功緣博白勇糧不繼而退十年倡建縣賓興館是秋入都道出羊城適蔣統帥益澧請饗勦潯邀佐其軍越年春赴營參帷幄七月中旬一鼓克之先己改捐道員指分廣東爲迎養計至是以克復潯城案奉旨以道員歸廣東遇缺儘先補用旋奉委會鬱紳鍾知府慶魁在鬱設局籌捐軍需圖勦容匪先是鬱屬匪亂自癸丑以後童試已缺

八考洎潯城復學使張正椿擬出棚地方有司以容匪近逼棚費且絀多猶豫錫蕃力任之事始舉是冬八考齊開多士勸騰其季弟錫瓚長子慶莖均遊泮慶莖旋選辛酉拔貢既又詳查案例以陸川歷捐防勦經費已符加廣學額之條因列摺稟請轉奏越年秋奉旨加陸川文武學各四名永爲定額闔邑交慶同治二年奉委協辦容岑軍務督壯勇會蔣統帥澤清進勦容匪迭戰皆捷遂於九月十六日收復容城因積勞成疾卒於營次年五十一大府據以奏聞奉旨加贈太僕寺卿銜廕一子入監讀書期滿以州判候銓

呂德憲號佑菴順安西堡塘樓村人少孤力學年廿五補博士

陸川縣志

卷之十六

人物類六勳德

二十三

弟子員性崛強氣骯髒有膽略咸豐時范阿陰據容縣陷北流城進窺邑境土匪乘機煽亂縣北蹂躪尤甚乃募健兒隨邑侯覃遠璫勦平匪寨克復北流縣城復進勦容匪營於容之草鞋坡方擬搗巢禽渠殊賊空壁惡戰呼聲震天地我軍驚怖如鳥獸散德憲力戰殿後遂陷於賊後以鉅金贖歸事平大府上其績奉旨以訓導歸部銓選尋署岑溪縣教諭卸篆還卒於家

劉珍祥號朗山由順安東堡遷北流卞三里覺田村年十八以邑試案元入庠咸豐間匪陷北流縣城珍祥與鄰里蒙義昉等集團練勇勦平上里各墟土匪隨助知縣黎源克復縣城同治改元領恩科鄉薦明年督團隨統領蔣澤清克復容縣城以軍

功獎內閣中書銜時北流差役私在陸靖墟設館勒索鄉愚珍祥令拆之縣不敢問羣服其膽識術精歧黃就診者酬貲不受歷主講三峯及化州中洞書院同治末選授永安州訓導兼署學正篆主講州屬眉江書院循循善誘與塾師無異遊其門者多捷秋榜年五十四卒於官歸櫬日士紳遠送者數百人生平廉介言信行果在鄉在官人皆敬而愛之爲文各體皆長尤工駢體遺稿待梓

戚繡有龍堡槎江村人附生咸豐間奉諭練團助官軍先後勦平陸川北流容縣股匪有功保舉訓導

吳壽康號仁甫順安西堡田心村人咸豐世亂率鄉人建寨練陸川縣志

卷之十六 人物類六勳德 二十四

團桑梓賴安邑中籌捐軍需壽康總司出納保舉巡檢復奉諭隨邑紳呂錫蕃進勦容匪所向克捷加獎六品頂戴保舉州同末年與呂錫蕃等議建賓興館且爲力任其事鄉族理論多仗排解免興訟事卒年七十八

呂錫旂號茂堂崇本第三子遷居朗洞堡樂村附貢生官戶部郎中咸豐末闔邑議建賓興館錫旂贊之力首爲倡捐事遂舉同治辛未冬知縣何超然因童試激動公憤致將賓興費蒙混借支負債達三千餘金邑中噴有煩言時錫旂遊宦京華及回籍後賓興債臺日高勢將變產衆人夙知其能公請董理其事乃爲定章程設法變通樽節冗費不數年重債清且增置田租

數十斛全邑歎服其理書院及節坊等費收效多類是襄廖邑侯翔辦義倉建議計畝捐穀復倡導之卒葺事治北米場河往來鬱北者所必經乃捐款購置田租永成略約兩處行者稱便規復五柳甲牛肚陂興築鴨兒洞新陂咸賴倡捐又變通舊章維持樂村洞陂均灌溉田畝亡算生平尊師重道己故者間割田畝爲祭掃費素有俠氣見義勇爲不計利害不顧毀譽鄉里良懦多藉卵翼至犯面不校以直報怨尤有父風卒年六十九李慶雲號郁卿廷樟子以光緒丁丑進士官戶部主事天性篤實器識宏深通算術曆數諸書能製渾天儀徑不及尺經緯絡繹測算不差毫髮居京久待人謙恕同鄉宗仰之光緒戊戌眷

陸川縣志

卷之十六

人物類六勳德

二十五

念桑梓罹亂爲詳查例案詒書邑中當局商之縣轉詳巡撫奏懇賜卹己亥詔下減免戊戌錢糧三成准於本年流抵邑中各戶羣多其功往者三峯書院歷由邑令關聘邑內科甲中人主講慶雲未受聘邑之後學以其品學兼優咸渴望之庚子德宗奉太后幸陝扈從不及積憂成疾遂殉焉

羅慶徵號聘堂沙井堡坡腳村人爲人謹厚有定識精歧黃術兼通數理星曆青囊諸家言以廩貢就教職署岑溪縣訓導尋授南甯府訓導光緒戊戌北流謝華軒匪幫襲陷縣城越六日踞烏石墟鄉里紛呶慶徵持之力人心始定逾日匪幫折回東華揚言進攻坡腳慶徵率子弟兵禦於合水口戰卻之殺匪徒

數名後復攔獲潰散匪目張華宣等二名偵知高州鎮總兵潘瀛奉檄進剿軍次化屬平定墟以兵單不前乃親往謁見具道匪情並陳方略導潘軍進紮烏石墟分檄城南各堡招募丁壯助勦旋取道大橋墟進薄縣城匪由北門潰退遂以克復知縣彭言孝到任禮請坐辦縣團規畫善後丁未兼充勸學所所長前後共十年

義行

明

陸一清在六良堡修竹庵修道施撥田租入庵共糧米一石五斗至今尚存堡內資辦學焉

陸川縣志

卷之十六

人物類六勳德義行

二十六

黃省南有龍堡莘山村人天啟時創建馬坡墟永善庵捐撥田租二十三石清光緒時鄉人奉祀庵內以誌不忘今在庵開辦金容國民學校尚藉撥租以爲經費

覃有麒有龍堡界洞村人天啟時助建永善庵捐撥田租十三石入庵後與黃省南同祀庵內其撥租亦作金容國民學校經費

呂建號靈源順安西堡官田村人武生題授參將素懷義俠扶弱抑強鄉族良懦多藉卵翼清初其子成周克體父志將嘗產捐撥田租十石爲灘面伏波廟祀產至今賴之

黎在瀛六良堡人邑諸生崇禎時捐撥田租入修竹庵糧米一

斗今堡內尚賴以興學以上五名均據訪冊補

清

呂純如號崑池順安西堡洞心村人明崇禎時以附生官內閣中書陞兵部主事謹厚和平篤於友愛諸姪幼孤撫養教誨俱各成立康熙二十一年歲饑佐縣令劉昇陽煮粥賑濟所活亡算有死而無告者施與棺木閭里賢之

傅颺貞附生洞心堡大洞村人撫蠻大將軍傅宏烈恢復廣西題授融縣教諭秉性柔嘉與物無忤康熙壬戌與邑舉人龐穎助米佐縣令劉昇陽煮粥賑饑德者甚衆

陳之瑜字欽臣附貢生六良堡立石洞村人爲人有識力樂施

陸川縣志

卷之十六

人物類六義行

二十七

予歲饑廣賑藉活者衆驛鹽道張贈匾曰讀書務義子宏業宏綸俱列歲薦

呂佐周號石景處士順安西堡官田村人歲貢韻樂之父六代單傳弱齡怙恃並失值吳三桂之變佐周入山保身壽六十七恩恤孤貧每遇冬寒製衣散給歲暮磨米施濟其子若孫遵行者蓋四代云

呂成周字永新處士順安西堡官田村人歲貢宣璜父置嘗產以厚宗族外宗鄭某乏嗣捐撥田租二十石以爲之祀灘面伏波廟祀產甚薄又將其父嘗產撥入田租以供其需康熙壬辰歲饑推食相濟甲午瘟疫廣爲施棺嚴督諸子皆成名邑宰熊

淑媚評爲善士並給義方垂模四字額以表之

龐驤號梅岡嘉魚令穎仲子領康熙辛卯鄉薦沈毅有識誠樸無華賣產助兄捐金修學嘗陰爲善而不令人知母族某幼賣身入富戶贖之歸爲置家室其子嶼宰番禺迎養署中有已聘女爲繼父所賣貧不能贖訟於庭聞而憫之出金代贖令完婚獄犯多病手置丸藥以給癸巳夏邑大饑密招僧作糜粥道以飼饑者衆咸稱不愧名宦鄉賢之後傳有

呂若益號安德家素封每舉一子輒赦免田租人以其爲純如第三子故稱之曰三赦公因是伯仲兩兄及季弟亦相沿稱爲大二四赦充康熙庚寅歲貢性慷慨屢遇饑發賑活者甚衆晚

陸川縣志

卷之十六

人物類六義行

二十八

年清高自況不圖仕進子十一長次均附生三七均廩生四五

六均武生八九均武舉其殆明德之後歟

以上七名均據石志鄉評類參訪冊修並

列改

吳宗璉泗里堡倉亭村人康熙辛亥年荒穀貴饑者載道宗璉捐米百餘石自作糜粥散賑三日多賴存活後五十一歲連舉丈夫子三壽至九十有二人以爲天之報施不爽云

呂振周字一新順安西堡雙洞村人以附監生宮袁州府通判幼孤崇信佛教好善持齋事孀母以孝聞貧苦親鄰多蒙周卹不惜重貲更改十字坡路徑爲張陰棚四五里行者稱便復就雙洞水口創建觀音庵施茶以解行人之渴施棺以埋無歸之

骸歲饑發粥以賑存活者衆既又徙庵於馬鞍山之麓改名雲谷寺捐撥田租二十四石及寺後山場一所至今雙洞水口橋及鍾毓國民學校咸賴此租焉

楊華逸南中堡南中村人清初同阮參元捐貲購置田租十石塘一口米場墟內鋪地八間庵地一段施入米場永鎮庵作泗里南中朗洞三堡公產康熙五十七年經李昌祚等勒石庵內詳爲記載至今三堡公益咸資興辦

楊柏彰有龍堡陂背村人清初創建村內南華寺同弟柏珠柏珍捐撥田租八石入寺作村內公產

邱岳峙南中堡良村人充雍正甲辰歲貢好義樂施曾將自置

陸川縣志

卷之十六

人物類六義行

二十九

米場墟大塘面地段撥作南中朗洞泗里三堡義倉基址光緒己亥創建三堡局及局後兩鋪戶即其遺址同治庚午重建米場永鎮庵時其後嗣進源等復體先人之意將所遺庵旁地段六十方尺讓撥增建右廊其子若孫赴義若熱真先後同揆也龐駿號靜遠嘉魚令穎三子充雍正癸卯歲貢性孝友伯兄驥宰萬載以逋負罣吏議駿與仲兄驥季弟驥捐產代償得兄回籍家居不仕日課子弟晚年構造中塘堡凌雲巖園亭與時賢唱和其間稱邑名勝雍正八年創建縣北四十里之鹿苹橋又先於康熙五十六年重建城西之來清橋均傾囊不吝莫違統號幹積榕江堡人清初修縣學宮慨捐錢一百二十千

以爲之倡

林日芳泗里堡丹竹坡村人廉潔自持且懷義俠雍乾間嘗兩拾路遺白銀數百兩均存候其主到訪完璧以歸不受謝六良堡有黃家婦周氏爲其夫兄所迫自萌短見逕抱三齡兒投水日芳見而救之將周送其外氏月給穀以贍己則抱兒撫育教讀婚配至於成人然後令之歸宗時論以爲難

梁廷英號妙相中塘堡石村人監生雍正時與其胞弟廷顏捐撥田租四石歸本村水口朝陽寺作闔村公產

簡球號玉清清湖上堡合水口村人爲人慷慨好施以清湖墟向無公地致令無主之骸隨處暴露慨將自置近墟之老鼠嶺

陸川縣志

卷之十六

人物類六義行

三十

撥作公地聽人擇葬乾隆間邑令嘉其義行特赦糧米四斗以爲之勸

以上十名均據訪冊補

林天培字崑山洞心堡瓜頭村人監生乾隆丁丑歲大饑道殣相望天培憫之煮粥以賑其不能就賑者聞報各饋以米一月之間存活亡算雖費銀至數千圓無吝色亦無德色卒之日哭奠其靈者無一不哀迨同治癸酉學使郭懷仁按試鬱林錄其玄孫壽棠入庠慶榮選癸酉拔貢考詢世譜詳知當年義舉因給行道有福四字額並聯一首文云能活千人子孫必大以永百世俎豆有光蓋表揚也乾隆丁丑迄同治癸酉中閱百十有六年報施仍自不爽信然

以下均據訪冊增

楊廷採號暉吉大襖堡山村人爲人慷慨豁達乾隆甲辰秋大修堡內南昌寺當左支右絀之際衆方束手無策廷採惟恐人知私與二子宗敬宗秀謀濟其窮捐銀二百兩繼之方告工竣董事者不忍聽其湮沒鳴於衆勒石誌之

簡上寬號會溪清湖上堡合水口村人性慈善見義勇爲乾隆末歲饑在本村橋頭張蓋蓬厰盡將積穀四百石煮粥賑饑活者甚衆平時施棺贈藥治路修橋亦所費不貲雖家道中落毫不介懷量力爲善老而彌篤故里中有爲人不爲己上寬不知死之諺

廖衍武號沃埜清湖上堡水頭坡村人營千總銜乾隆之季連陸川縣志

卷之十六 人物類六義行 三十一

歲荒歉道殣相望衍武年捐穀千石賑濟略無吝色嘉慶癸酉蔣邑侯給河潤一方四字額以表揚焉

楊松六良堡人嘉慶七年以年當八十有六兄弟子孫俱無自願將坐落堡內山子塘田業山場施入堡內紫竹庵管業作爲公產計田租三石糧米五升自立撥帖碑記尚在

林璽號梅溪朗洞堡黃箭村人嘉慶二十四年創建堡內圓珠嶺之文武閣捐錢百千以爲之倡今之三英學校即賴此閣興辦米場墟頭之沙街橋當無款建設時常於每年冬季自傾囊金鳩工架木行者稱便

邱邦文南中堡良村人嘉慶時建造朗洞堡之文武閣曾倡捐

錢百千俾資興築

戴永章原名賢芳號錦堂由大襖堡遷北屬旺洞社村監生富有貲財樂善好施子六維經守禦所千總銜維史附貢維纘詹事府主簿銜維箴增生議敘八品職銜維誥布政司理問銜維典布政司經歷銜均克承父志邑中書院膏火費甚廉薄且乏賓興一款邑人呂崇本經理最久頗積盈餘維經兄弟慨然捐助因託呂崇本代置附城荔支橋洞柯木山洞秀蘭洞等處田租都一百二十八石盡撥歸公值銀可二千六百有奇時以先年捐貲創設有龍堡大橋頭洞義渡不能經久故就中劃撥二十石以遞年滋息作改建橋梁及石子嶺路鋪施茶之用餘陸川縣志

卷之十六

人物類六義行

三十二

百有六石概歸書院作膏火及賓興等費此外另置撥朗洞堡山心橋田租六石有龍堡筋勾橋田租八石以持久遠道光辛丑邑諸生陳其狀奉學使鈕福保撰記文勒石書院並給惠及士民四字額以獎之

吳熙泗里堡倉亭村人嘉慶間倡捐鉅金創建朗洞堡之文武閣祀閣內功德

邱毓明號燦星由新村堡覃村遷鬱林樟灣監生道光時捐貲建造鬱屬茂林里石橋計費白銀三千兩並倡建鬱城南橋側之文昌閣毫不吝惜壽九十六子爲榮武生孫元康舉人

傅以恭號孔安朗洞堡平塘村人道光三年捐錢九十千建造

堡內由子甲英山寺並撥田租二石有奇作爲公產

林桂開號巨龍洞心堡沙坡洞村人天培曾孫監生敦倫紀尚廉隅地方公益量力助道光初創建堡內瓜頭鴨牙油村平山坡等處及大洞堡官路石橋所費計銀數百均其義捐不假外募至今行人稱便孫榮光廩生

李清皋吹塘堡人其嗣孫炳霍等於道光六年在灘面河西北創造一橋一渡並將所遺嘗田之租遞年撥十五石以維久遠咸豐間創造堡內大壩河橋渡復將嘗租捐撥共襄義舉

龍成雲榕江堡鳳塘村人監生道光十年倡捐購置文龍徑施茶田租九石十八年復捐撥修路田租三石

陸川縣志

卷之十六

人物類六義行

三十三

賴德芳中塘堡麗埗村人道光十九年捐撥田租一石九斗歸平樂墟水月宮作爲公產

吳裕滄中塘堡蘊珠村人舉人裕淵之兄同知銜善持家政積貲鉅萬生平好善樂施道光二十一年捐銀千餘修建鬱林五屬試院奉學使鈕福保給胸藏杜廈四字額獎之又奉母氏謝命捐撥田租二十石作洞心堡雙握渡歷年經費子允興廩生黃廷球新村堡人道光二十一年與弟廷璉廷瑚三人捐租八石創設堡內寨地渡船

葉懷琮清湖下堡人與其族廷勳益青三人均縣丞銜道光二十二年重修縣城懷琮等協力捐助均議敘八品頂戴並同奉

兩廣總督廣西巡撫暨布政使鬱林知州陸川知縣獎給義結屏藩四字匾額

莫汝芬號明山榕江堡人道光二十二年捐錢百千有奇助修縣城及試院知縣卞撫辰給嗜義若熱四字額獎之

李樹華號承啟洞心堡鯉魚埔村人家不中貲見義勇爲道光間自行捐貲創建大洞堡六巴河石橋六巴廟坑口小石橋堡內北桑石橋石子印石橋各一計費銀數百不假外募時論難之

陳振斌有龍堡鹿萃村人例授登仕郎道光間建造本村水口石橋曾捐錢三百千贊成是舉

陸川縣志

卷之十六

人物類六義行

三十四

謝國綱號元圃洞心堡古旦村人從九職銜道光間創建堡內鶴洞龍安石橋計費銀數百均自捐貲不假外募

陳以道有龍堡石頭塘村人道光間將田租二石五斗撥入斑石村永泰寺作爲公產

盧奠瑀南中堡上橋林村人道光二十五年廣西土匪肆起巡撫通飭各縣辦團奠瑀爲堡內清平約捐錢二百千以爲之倡地方資防禦焉

張福盛南中堡橫山村人道光二十五年倡捐清平約錢二千

呂宗文南中堡黃泥田村人道光二十五年倡捐清平約錢一

百五十千

邱鳳揚號桐軒南中堡旺塘村人道光二十五年倡捐清平約錢一百二十千

盧煥晴南中堡竹圍肚村人道光二十五年倡捐清平約錢一百二十千

萬玉號崑山新村堡人道光二十八年其嗣孫以良田墟雙脉地方爲博陸兩縣來往通津乃謀諸鄰村邱珪嗣孫各將嘗項捐撥田租十石仰劉姓讓出地段創設義渡至今賴之

邱珪新村堡人事見萬玉名下

謝振宗號豐山沙湖堡那回村人附貢候選訓導咸豐四年施

陸川縣志

卷之十六

人物類六義行

三十五

晚匪幫擾亂沙湖振宗以團總集鄉勇擊敗之鐵屎坑一役殲匪甚多奪回子女玉帛及器械亡算復捐貲建築湖山寨居民賴以保衛同治元年與李一瀚謝翰陞等倡捐建堡內團局及饅頭嶺茶亭煮茶以飲行客並置田租九石今猶賴之

李一瀚號富川沙湖堡長叢坡村人咸豐四年與湖山寨主謝振宗塘龍寨主謝翰陞蔣村寨主李兆容各率寨丁合擊施晚匪幫敗之後建堡內團局虧空百餘金乃自行墊補餘見謝振宗名下

謝翰陞號藝圃沙湖堡萬層閣村人守禦所千總銜咸同間施贈棺板三十餘年臨終囑其子孫再施二十年其他義舉見謝

振宗名下子鳳祥武舉孫慶飛舉人

李一浩沙湖堡蔣村人咸豐七年自行創建蔣村石橋計費銀百餘圓

吳允典裕滄次子同知銜裕滄樂善好施允典克承父志於咸豐八年捐撥田租二十石爲縣賓興館經費同治間復捐貲集鄉勇撲滅黃十五大匪幫鄉人義之

謝興朝新村堡松木嶺村人從九品職銜素懷義俠不避權貴先是新村清湖合設義倉其存穀多爲強有力者侵蝕咸豐間歲饑無從賑濟興朝乃率飢者詣縣求賑縣令某以其率衆滋鬧押解州署後得鄉紳具詞表白始脫囚並奉飭勒侵蝕者將

陸川縣志

卷之十六

人物類六義行

三十六

田產抵償飢者賴以存活至今存穀百餘石實興朝力也

李時和號藹亭吹塘堡陂口村人武生保舉守禦所千總急公好義素爲鄉族推重堡內義倉義學團練均仗辦理克著成效倡設大壩河橋渡重建灘面伏波廟創造縣城賓興館咸與有力捐銀數百並與族人源隆幽峯俊峯清皋兆興穀詒等湊捐田租十石爲大壩河橋渡專款此皆咸同間事至今賴之

林長清號鏡湖關廂堡石均村人附貢歷任貴縣永淳縣訓導兼理永淳縣教諭重修試院及三峯書院倡捐錢不下三百千此咸同間事也

溫應龍號雲從大襖堡祿渥村人家富好施咸豐時捐餉助知

縣覃遠璫勦匪計銀不下二千圓因伯叔祀田缺乏嘗撥田租二十石爲遞年祭掃之用鄉族重之

呂普咸號應萬關廂堡丹竹根村人封職監生成豐時土匪猖獗倡建中屯寨隨辦鄉團前後捐錢約四百餘千鄉里賴之戴道權號義莊永章之孫廩生充光緒壬辰歲貢咸豐初洪楊變起各處土匪乘機而發縣北平樂馬坡一帶均遭蹂躪而大坑六度兩寨匪首盤踞之道權慨捐銀圓三千有奇助作軍餉隨同知縣覃遠璫勦撫兼施地方得以甯謐惟首要尚有受撫而未除者至光緒乙亥春匪首黃十五廖晚等又蠢蠢欲動道權即籌餉請兵勦辦且懸重賞擒而誅之事遂已壬午夏巨魁陸川縣志

卷之十六

人物類六義行

三十七

大竹根吳晚復叛在巢豎旂召集匪類將以大行劫掠道權早燭幾先會同北流二廂紳耆籌備軍餉稟准撫軍委左江鎮總兵董履高爲統領督率開花礮隊圍而殲之嗣委曾毓藩到平樂開局督辦善後事宜道權亦受延請入局勸理一切除莠安良地方賴之前後且費去銀三千餘圓絕無吝色

李天柱號擎南順安東堡那也村人廣東補用巡檢咸豐十年匪首巫日等衆號數千蹂躪化屬鴨隆及低陽地方曾捐餉二

百金佐知縣覃遠璫平定之

邱含貞南中堡文揚村人咸豐間偕弟安貞顯貞各捐銀百元濟餉肅清後各奉獎九品頂戴

呂敬寰號海皆普咸長子同知銜咸豐末創建縣城賓興館慨捐錢五百千以爲之倡

李嘉霖號雨莊有龍堡高石台村人封職監生以商業起家濟人之急無慳狀且不惜重貲栽培子姪一鄉推重同治時曾捐貲創造本村板橋復捐撥田租三石歸馬坡墟金容寺作爲公產時與當代名流來往所得題詠皆塑諸寺內壁間至今猶有存者子德恆德滋均諸生胞姪德疇官工部主事

呂敬宇號海光普咸仲子遷居雙龍塘村鹽知事銜疏財仗義鄉里推重修鳴石觀建圭子洞石橋均仗捐助又捐錢百餘千築上水洞柯木陂灌溉糧田計百餘畝

陸川縣志

卷之十六

人物類六義行

三十八

王家齊清湖下堡人州同銜光緒二年創建堡內石灘湖磚橋計費錢千餘貫不假外募復捐撥堡內太平文武兩廟田租各二石五斗

呂臣勸號剛卿大洞堡沙公坡村人後遷居良寶地村附貢同知銜承祖父遺業勤儉持家積貲累萬爲人和易與人交口訥訥如不能言母韋氏素明大義光緒初邑試院人浮於號童子應試恆苦叫囂官紳議擴東西兩外廊計非三千緡不辦適賓興費虧折甚鉅籌措維艱臣勸歸告其母乃身任添建之責不假捐募卒於三年告竣邑人上聞奉學使歐陽保極給義重士林四字額巡撫慶□給急公好義四字額獎之迨二十四年匪

焚所設大橋墟典店管存堡內義倉款計錢三百餘千盡被匪劫乃如額捐補不稍吝時論以爲難

林錦懷有龍堡大龍塘村人武生光緒初捐撥田租三石爲堡內木橋洞板橋修建之費行者便之

黃天經號德甫新村堡泮塘村人監生堡內劉灘渡爲博陸兩縣來往要津光緒十年捐撥田租十石創設義渡至今賴焉

吳裕瀛號仙洲中塘堡蘊珠村人花翎郎中銜創業鉅萬樂善好施光緒十二年建堡內獅子江石橋及茶亭倡捐錢二百千有奇此外建設間仗捐助子煥章舉人

吳煥文號式亭中塘堡蘊珠村人附貢候選通判光緒十二年

陸川縣志

卷之十六

人物類六義行

三十九

建堡內獅子江石橋及茶亭倡捐錢二百一十千

羅明健中塘堡六寒村人封職光緒十二年建獅子江石橋及茶亭倡捐錢二百千

羅清正中塘堡六寒村人光緒十二年建獅子江石橋及茶亭倡捐錢一百九十千

羅忍益中塘堡六寒村人光緒十二年建獅子江石橋及茶亭倡捐錢一百一十千

黃開基吹塘堡人其嗣孫於光緒十二年在灘面河西北加設一橋一渡一亭並遞年撥其嘗項田租十二石以持久遠

鍾毓臻有龍堡青幽洞村人封職監生光緒間偕弟毓賢創建

中塘堡潭文鋪古扁石橋計費錢二千餘貫不假外募

陳日堃有龍堡杉山村人千總銜光緒初年捐撥田租二十石歸馬坡墟金容寺作爲公產

吳允寅中塘堡蘊珠村人通政司知事銜父裕滄樂善好施允寅克承父志於光緒間修築龍尾叩頭石公路以石砌三里許費銀數百圓不稍吝

吳居仁中塘堡六良村人監生家僅中貲重義輕財鄰近大侯崗僻險十餘里乃北屬上里通鬱路徑居仁自光緒二十年一再捐貲廣闢計費錢百餘千慮不經久復提倡募捐得銀千餘圓建亭而外尙可生息作遞年施茶修路之費行者稱便子立

陸川縣志

卷之十六

人物類六義行

四十

鑿附生

劉伯憲順安東堡陸選村人附生贈奉直大夫舉人浚祥珍祥祖孝友正直樂善好施迨光緒三十二年興辦陸陽高等小學堂其曾孫附生振綬等猶克體先志將祀款撥銀百圓以爲之倡

劉世彰順安東堡陸選村人遷居北流扶來里金板洞村封職光緒三十二年捐銀四百圓撥入陸陽高等小學堂爲辦學經費

劉益謙順安東堡陸選村人遷居北流扶來里金板洞村附生光緒三十二年捐銀二百圓撥入陸陽高等小學堂爲辦學經費

費

張資堂順安東堡陸姑村人遷居北流卞三里平翰村光緒三十二年捐銀百三十圓撥入陸陽高等小學堂爲辦學經費

陳三峯關廂堡白泥村人遷居北流波二里三山村監生光緒三十二年捐撥陸陽高等小學堂銀百圓

劉世昭順安東堡陞選村人遷居北流卞三里木寒村封職光緒三十二年捐撥陸陽高等小學堂銀百圓

□撫澧有龍堡莘山村人監生光緒末年捐撥田租五石爲莘遞年修費

李敬嵩號瑞生沙湖堡官塘村人光緒三十二年創建沙湖嶂

陸川縣志

卷之十六

人物類六義行

四十一

關聖廟曾捐銀百圓以倡

民國

呂宗城號子維臣勸長子清藍翎光祿寺署正銜急公好義頗有父風婦公吳玉才年老家貧宗城爲立後償其夙債且割畝以遺清季國體變更城南順安大洞關廂等堡聯設安鄉團宗城謀諸其弟宗坊倡捐錢三百千文既闔邑籌辦民團復義借銀二千圓各團以次成立地方卒賴安謐後經官紳上聞奉巡按使張鳴岐賜額曰義聞克彰子祖銓清附生

呂宗坊號端旌臣勸仲子清廣東試用縣丞代理翁源縣桂山司巡檢性謙讓兄弟叔姪間無間言義行見上子祖鍾畢業高

等小學清獎勵增生

學行

明

謝材號文莊新村堡蓮塘村人年廿四始刻苦勵學迨補博士弟子員年方三十鬢髯已皓白如雪故人目爲白鬢秀才充崇禎丙子歲貢家故貧而性好施與常以行善爲樂邑中每議大事必身至而始決鄉人以其品學兼優恆崇拜之據訪冊補陳嗣昌附生清舉人大經之祖爲人孝友安貧樂道不以功名爲念鄉里稱之

清

陸川縣志

卷之十六

人物類六義行學行

四十二

陶坤號載庵忠烈陶成之裔遷陸居中塘堡平樂爲邑附生力耕讀仁愛性成疏財好施嘗述古人之言曰凡殖貨財貴能施賑否則守錢虜耳吾力雖不逮心竊慕之陶氏中微而後興坤之力也子若侃若齡俱秉鐸

李廷琮舉人烱焮之祖爲人慷慨徑直性篤孝友值明季亂負母匿深山中備嘗艱苦不離左右及老結茅亭於竹林深處養性自適不預外事並不事產業以上三名均據石志鄉評類改列

謝天植字德培新村堡人康熙時以歲貢任懷遠縣教諭懷遠苗獐雜處素鮮知書天植招其俊秀無少長咸令入學苜蓿十年人文蔚起告致歸家教訓子姪築室清湖定洞山中足跡不

入城市有詩集行世後其裔孫蘭潛以舉人大挑任是職學中

人尚稱道弗衰

據石志鄉評類參
訪冊修並改列

周世稷性曠達詩酒自娛無心功名

據石志鄉
評類改列

龐驥號牧亭嘉魚令穎長子領康熙丁卯鄉薦第四人端方敏
達爲文深醇有法邑名宿多出其門常爲人排難解紛任萬載
令愛士恤民尋以民欠掛吏議越二十年歸猶以詩文自娛耄
而不倦

呂若夔字典樂順安西堡鹿蹄坑村人充康熙壬午歲貢爲人
謹厚苦心力學不履公庭教子姪最嚴待戚里和平邑人敬而
慕之

陸川縣志

卷之十六

人物類六學行

四十三

李昌祚號修庵康熙壬辰歲貢舉人炢斌之父勤於舉業久困
棘闈落落自好有不可一世之概癸巳邑大饑署令以瓜期近
堅不發粟昌祚呼二子炢斌曰汝兄弟於本府太守李公錫泰
有師生誼蓋往呈懇以救一邑生靈太守乃飭縣發粟民賴全
活生平詞嚴義正凡後輩至其前者必斂容敬聽母敢稍怠性
廉潔一介不取樂施予有急必濟鄉里德之

李宗淳字歷候吹塘堡那業村人領康熙丁酉鄉薦性孝友廉
靜弟姪輩間有典盡者宗淳代贖不致失業仕安仁令一以清
獄便民爲事

以上四名均據石志
鄉評類修並改列

呂調元號茂才順安西堡雙洞村人康熙時廩生平恕接物鄉

里推重凡遇蝸角之爭罕譬而喻無不立解鄉人有憐少子貧者阿之其長子怨親心不平每有爭論調元曉之日哀多益寡平之至也譬如農夫田有水旱溉其旱者非偏愛也以水田無須溉耳今子水田也子之弟旱田也乃翁之心即農夫之心何憾爲長子聞之敬服自是共敦雍睦其居鄉善俗多類是據訪冊補龐頤字于相領雍正丙午科鄉薦幼失怙恃父化緯拔貢爲邑名宿未獲第頤自幼奮發篤學以克成父志與族子嶼肄業宣城書院撫軍李穆堂皆以國士目之果同售嶼政績多藉贊勸頤未仕卒秉性端慤廉潔老幼遇之無不起敬爲文務去陳言深入理窟設教於奎峯書室造就成立甚衆著有榕塘合稿各

陸川縣志

卷之十六

人物類六學行

四十四

體詩集

據石志鄉評類改列

范錦斐號睢園洞心堡旺村坡人天資純篤弱冠與同里李廷樟同學互相砥礪名噪於時道光甲申補博士弟子員縣學兩齋以品學兼優保送赴考並應鄉試薦而不售時輩惜之生平重道明倫和鄉睦族家僅中貲嘗藉館穀以爲事畜上奉父母下教子孫禮法周至遊其門多知名者子四能讀父書春唐春元春明皆諸生春清入監終其身暨其四子不與人訟且無一字入公門時人每樂道焉孫晉藩以進士出宰廣東以下均據訪冊增呂章吉字百平順安西堡雙洞村人處士尚廉讓家貧嗜學設教餬口來學者不問束脩門下以酒食請者固辭人問故答曰

孔子言與奢寧儉節用愛人古之風俗所以淳美今人不崇節儉無故宴會乃末俗所爲何取焉故鄉曲之爭言不從則去以酒留之弗顧也嘗司祀田廿年間增置兩倍卒之日族人慕其廉具牲醴哭奠其靈年六十八

龐玉衡號平階有龍堡厚埔村人咸同間以廩貢生候選訓導居心慈讓品學兼優教授數十年循循善誘縣北科甲多出其門嘗誡其子曰汝曹處世寧授人以便宜切不可受人便宜其子孫奉爲家法雖貧富不齊均能以耕讀世其家里中稱爲明德之後云

呂德輝號實菴順安西堡大帽隴村人自幼苦學工詩古文辭陸川縣志

卷之十六 人物類六學行 四十五

而八股文爲最年廿四入邑庠試輒高等食廩餼充同治癸酉歲貢銓選訓導少孤事母孝苦貧假館穀以備甘脆伯兄德憲以諸生從軍勦容匪陷入賊中措鉅金贖歸家益貧析箸日田園廬舍盡以讓兄己則舌耕度活教人先品行而後文藝邑中科第多出門下精醫理所活亡算以金酬者卻之晚年以中子佩瑀官貴迭受恩封祿養優渥處之悻悻如常生平與物無爭困不損亨不加足跡不履公門卒年六十七

羅鍇文號矚然沙井堡太平村人少好學治周易工詩文潔身自好心恥奔競居家崇節儉不貨殖戒飲酒殺牲服膺朱子家訓弱冠後爲諸生以親老家貧居家授徒嘗製高明書室聯云

高自卑登認定希賢希聖希天地步明爲遠視宜求在身在家
在國工夫李方伯廷樟見而賞之以爲理學有得故門下士多
青其衿再從弟達文官廣文猶以未嘗及門爲憾一日特肅衣
冠執弟子禮惟謹其令人景仰如此邑令彭言孝委充堡長里
中良善藉免株連有鄉人某無理而訟干以數十金乃厲色斥
之其人慚而退子士深廩生

黃撫瀚號蓉舫有龍堡莘山村人增貢父廷錡充咸豐辛酉恩
貢撫瀚性好潔喜植芝蘭家居課子姪教授餘暇輒以澆花爲
事居母喪三年不出戶不薙髮蒙首垢面異乎流俗鄉里重之
姚傑元號贊廷榕江堡祿地田村人同治末廩生教授數十年
陸川縣志

卷之十六

人物類六學行

四十六

及門者衆且多成名居鄉秉直道人多就質故里中有要事散
投阿贊之諺

王典禮號寅階有龍堡嶺腰村人光緒乙亥恩科副榜爲人渾
厚與物無爭鄉團縣團歷經坐辦嘗著家訓十種分存心立品
讀書積德修身交友治家處世辦團居官等目準情度理疊疊
動聽鄉里重之